

Abalone ya boleng bja R1.6-millione e tshwerwe

Tshwane, 15 Oktobore 2021 – Ditirelo tša Motšhelo tša Afrika Borwa (SARS), ka lekala la yona la Khasetomo, le tshwere abalone ya go omišwa ya boleng bja R1.6-million yeo e bego e fihlilwe ka leterokising la thekisi ka mollwaneng wa ka Lebombo. Maikemišetšo e be e le go iša ntle abalone yeo ka tsela yeo e sego molaong go tšwa ka Afrika Borwa go ya ka Mozambique. Abalone yeo e be e pakilwe ka mapokising a 21 gomme a be a na le kimelo ya 460 kg.

Mootledi wa thekisi gabjale o golegilwe ke ba kgoro ya Ditirelo tša Maphodisa tša Afrika Borwa (SAPS) gomme abalone e ile ya neelwa ba SAPS go tšwetšapele dinyakišišo. Morago ga ge dinyakišišo di phethagaditšwe, ba ka SAPS ba tla neela sefatanaga go SARS bakeng sa ditshepetšo tša go tšwetšwapele ka Khasetomo.

Khomišinare wa SARS Edward Kieswetter o ile a reta baofisiri ba ka Khasetomo bakeng sa go ntšha mahlo dinameng ga bona le boikgafo bja go phethagatša tagafara ya go thibela kgwebo yeo e sego molaong, le ge eba e ka tlišogae goba kišontle.

“Baofisiri ba rena ba ka Khasetomo ba tloga ba ikemišeditše go thatafaletša le go lefiša dikotlo tša godimo go dikebekwa le go šireletša ekonomi ya ka Afrika Borwa. Maitekelo afe goba afe a o diriša naga ya rena bjale ka botšhabelo bja ditiragalo tšeo di sego molaong di tloga di ganwa. Mo kgetsing ye baofisiri ba laeditše boikgafo bja bona bja go thibela kgwebo yeo e sego molaong ka go thibela le go šireletša diphedi tšeo di lego kotsing,” Khomišinare o boletše bjalo.

Lebelela seswantšho seo se tlhometšwego.

Go hwetša tshedimošo enngwe, ka kgopelo ikgokaganye le SARSMedia@sars.gov.za